



Broj:02-02-492-1/23

Datum: 19.05.2023.

Na osnovu člana člana 15. stav (1) alineja (2) Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09) a u vezi sa članovima 79. i 11.stav (1) Zakona o socijalnoj zaštiti, zaštiti civilnih žrtava rata i zaštiti porodice sa djecom - Prečišćeni tekst - („Službene novine Tuzlanskog kantona broj: 5/12, 7/14, 11/15, 13/16 i 4/18) i člana 9. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni glasnik Grada Lukavac“, br:1/22) i članovima 3. 5. i 6. Pravilnika o kriterijima i raspodjeli novčanih sredstava za sufinansiranje troškova vantjelesne oplodnje („Službeni glasnik Grada Lukavac broj: 6/23“), na prijedlog Službe za društvene djelatnosti i upravu - Gradonačelnik d o n o s i:

JAVNI POZIV

za dodjelu novčanih sredstava za sufinansiranje troškova vantjelesne oplodnje

1. PREDMET JAVNOG POZIVA

Predmet Javnog poziva je dodjela novčanih sredstava za sufinansiranje troškova vantjelesne oplodnje.

Cilj lokalne zajednice je da kroz djelovanje u sistemu socijalne zaštite izdvajanjem budžetskih sredstava stvori bolje uslove za porodični život i ojača pronatalitetnu politiku.

2. FINANSIJSKA SREDSTVA

Sredstva za dodjelu jednokratne pomoći su previđena Budžetom Grada Lukavac za 2023. godinu sa Okvirnim planom Budžeta za 2024. i 2025. godinu („Službeni glasnik Grada Lukavac“ broj: 2/23), članom 22. Odluke o izvršenju Budžeta Grada Lukavac za 2023. godinu („Službeni glasnik Grada Lukavac broj: 2/23), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Službeni Glasnik Grada Lukavac“ broj: 1/22) te na osnovu Programa utroška sredstava Transfera Službe za društvene djelatnosti i upravu Grada Lukavac za 2023. godinu broj: 02-02-903/23 od 02.03.2023. godine i raspoređivat će se u skladu sa Pravilnikom o kriterijima i raspodjeli novčanih sredstava za sufinansiranje troškova vantjelesne oplodnje („Službeni glasnik Grada Lukavac broj: 6/23“), (u daljem tekstu „Pravilnik“).

Pravo na jednokratnu novčanu pomoć za sufinansiranje troškova vantjelesne oplodnje može ostvariti podnosilac zahtjeva koji ispunjava kriterije iz člana 4. Pravilnika, na način da će Grad, na osnovu predračuna troškova, zdravstvenim ustanovama sufinansirati troškove postupka vantjelesne oplodnje u maksimalnom iznosu do 2.000 KM (slovima: dvijehiljade KM).



3. UVJETI ZA OSTVARIVANJE PRAVA NA NOVČANU POMOĆ

Uvjeti za ostvarivanje prava na jednokratnu novčanu pomoć za sufinansiranje troškova vantjelesne oplodnje na osnovu ovog Pravilnika su:

- a) da je žena koja podnosi zahtjev u bračnoj zajednici i da je brak postojao prije početka vantjelesne oplodnje a vanbračna zajednica u trajanju od najmanje tri godine prije početka postupka vantjelesne oplodnje;
- b) da oba partnera imaju prebivalište na području grada Lukavac, od čega jedan partner najmanje 2 (dvije) godine neprekidno – do dana podnošenja zahtjeva.
- c) preporuka zdravstvene ustanove koja se bavi medicinski potpomognutom oplodnjom;
- d) da žena nema više od 42 godine života;
- e) da postupak vantjelesne oplodnje za koji se traži sufinansiranje nije okončan.

4. POTREBNA DOKUMENTACIJA

Podnosioci zahtjeva za ostvarivanje prava na sufinansiranje troškova vantjelesne oplodnje po ovom Javnom pozivu dužni su dostaviti sljedeću dokumentaciju (original ili ovjerena kopija):

- a) zahtjev;
- b) prijava mjesta prebivališta/boravišta za oba partnera (obrazac PBA-4);
- c) izvod iz matične knjige vjenčanih;
- d) izjava o vanbračnoj zajednici (**ukoliko nije sklopljen brak**)
- e) preporuka nadležne zdravstvene ustanove za postupak vantjelesne oplodnje;
- f) predračun troškova vantjelesne oplodnje na kojem je navedeno koji je postupak po redu – postupak vantjelesne oplodnje za ženu,
- g) tekući račun (**ukoliko se postupak obavlja u klinici izvan BiH**)

Gradska uprava zadržava pravo po službenoj dužnosti da izvrši provjeru dostavljenih dokaza.
NEPOTPUNA I NETAČNA DOKUMENTACIJA NEĆE BITI UZETA U RAZMATRANJE

5. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na web stranici Grada Lukavac i putem sredstava javnog informisanja.

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev se podnosi putem Službe za društvene djelatnosti i upravu -Odsjeka za opću upravu, poslove prijemne kancelarije i pisarnice, radnim danom od 07:00 do 15h i 30 ili poštom preporučeno na adresu: Grad Lukavac, Trg slobode bb, 75 300 Lukavac - sa naznakom Služba za društvene djelatnosti i upravu „Javni poziv za dodjelu novčanih sredstava za sufinansiranje troškova vantjelesne oplodnje“.

Komisija za dodjelu stipendija razmotrit će pristigle prijave na javni poziv, sačiniti zapisnik o radu i utvrditi privremenu rang listu kandidata koji ispunjavaju uslove propisane javnim konkursom.

Privremena rang lista kandidata za dodjelu novčanih sredstava za sufinansiranje troškova vantjelesne oplodnje objavljuje se na oglasnoj ploči i web stranici Grada Lukavac.

U postupku obrade zahtjeva i objave rezultata Javnog poziva, a prema članu 9. Pravilnika štitit će se privatnost i dostojanstvo osoba koje se od neplodnosti liječe vantjelesnom oplodnjom, te se neće javno iznositi imena i drugi lični podaci ovih osoba.

Na privremenu rang listu može se izjaviti prigovor drugostepenoj Komisiji Gradskog vijeća u roku od 8 (osam) dana od dana objavljivanja iste.

Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.

Nakon rješavanja prigovora, Gradonačelnik će utvrditi Konačnu rang listu kandidata za dodjelu novčanih sredstava za sufinansiranje troškova vantjelesne oplodnje koja se objavljuje na oglasnoj ploči i web stranici Grada Lukavac.

Služba za društvene djelatnosti i upravu je dužna u roku od 60 (šezdeset) dana od dana podnošenja riješiti zahtjev i o tome obavijestiti podnosioca.

Jednokratnu novčanu pomoć odobrava Gradonačelnik Odlukom na prijedlog službe - na račun jedne od zdravstvenih ustanova koje provode postupak na teritoriji Bosne i Hercegovine, a ukoliko se postupak provodi u zdravstvenoj ustanovi koja se nalazi izvan teritorije Bosne i Hercegovine, uplata sredstava će se vršiti putem Službe za budžet i finansije na osnovu odluke Gradonačelnika i predračuna troškova vantjelesne oplodnje zdravstvene ustanove, na račun korisnika prava.

Novčana pomoć se dodjeljuje putem Službe za budžet i finansije uplatom na tekući račun a do utroška obezbijedenih novčanih sredstava u Budžetu za tekuću godinu.

Dodatne informacije mogu se dobiti na kontakt telefon: 035 / 366 – 738, putem e-maila: minela.cosic@lukavac.ba ili lično u Grad Lukavac, kancelarija broj 34.

Obrađivač
M.Ć.

POMOĆNIK GRADONAČELNIKA
Sadija Osmanović, diplomirani pravnik

GRADONAČELNIK

dr.sc. Edin Delić

Dostavljeno:

- 1.Oglasna ploča 2x
- 2.Služba za društvene djelatnosti i upravu
- 3.Evidencija 2x
- 4.Arhiva